

Jinacaritaya

Namo tassa bhagavato arahato sammāsambuddhassa

1. Uttamaṃ uttamaṅgena namassitvā mahesino;
Nibbāṇamadhudam pādapaṅkajam sajjanālinam.
2. Mahāmohatamaṃ loke dhamṣentaṃ dhammabhākaram;
Pātubhūtam mahātejam dhammarājodayācale.
3. Jantucittasare jātam pasādakumudam sadā;
Bodhentaṃ saṅghavandañca silorukiraṇujjalam.
4. Tahim, tahim suvitthiṇṇam jinassa caritam hitam;
Pavakkhāmi samāsenā sadā'nussaraṇatthiko.
5. Paṇitam taṃ sarantānam dullabhampi sivampadam;
Adullabham bhava bhogapaṭilābhamhi kā kathā?
6. Tasmā taṃ bhaññamānam me cittavuttapadakkamam;
Sundaram madhuraṃ suddham sotusotarasāyanam.
7. Sotahatthapuṭā sammā gahetvāna nirantaram;
Ajarāmarami'echantā sādhave paribhuñjatha.
8. Kappasatasahassassa catunnam cā'pi matthake;
Asaṅkheyyānamā'vāsam sabbadā puññakāminam.
9. Nānāratanasampannam nānājanasamākulam;
Vicittāpaṇa saṃkiṇṇam toraṇa gghika bhūsitam.
10. Yuttam dasahi saddehi devindapurāsannibham;
Puram amarasaṅkhātam ahoṣī ruciram varam.
11. Tahim brāhmanvaye jāto sabbalokābhipūjito;
Mahādayo mahāpañño abhirūpo manoramo.
12. Sumedho nāma nāmena vedasāgarapāragū;
Kumāro'si garūnam so avasāne jinamkuro.
13. Rāsivaḍḍhakamaccena dassitam amitam dhanam;
Anekasatagabbhesu nicitam taṃ udikkhiya.
14. Dhanasannicayam katvā aho mayham pitādayo;
Gatā māsakame'kampī nevā'dāya divam iti.
15. Saṃvegamu'payāto'vacīmantesī'ti guṇākaro;
Dhanasāram iham gayha gantum yuttanti me pana.
16. Rahogato nisīditvā sundare nijamandire;
Dehe doso udikkhanto ovadanto'pi attano.
17. Bhedanam tanunodukkham dukkho tasso'dayo'pi ca;
Jātidhammo jarādhammo vyādhidhammo aham iti.

18. Evamā'dīhi dehasmiṃ disvā dose anekadhā;
Pure bheriṃ carāpetvā ārocetvāna rājino.
19. Bherinādasugandhena yācakālisamāgate;
Dānakiñjakkhaoghena sattāhaṃ pīnayī tato.
20. Dānaggahimabindūnaṃ nipātenā'pi dhamsanaṃ;
Ayātaṃ taṃ viloketvā ratanambujakānaṃ.
21. Rudato ñātisaṅghassa jalitānalakānā;
Gajīndo viya gehamhā nikkhamitvā manoramā.
22. Mahantaṃ so mahāvīro upagañchi himālayaṃ;
Haricandanakappūrāgarugandhehi vāsitaṃ.
23. Suphalla campakāsokapāṭalītilakehi ca;
Pūgapunnāganāgādipādapehi ca maṇḍitaṃ.
24. Sīhavyagghataracchehi ibhadīpikapīhi ca;
Turāgamādinekehi migehe ca samākulaṃ.
25. Sālikāravīhaṃsehi haṃsakoñcasuvehi ca;
Kapotakaravīkādīsakuntehi ca kūjitaṃ.
26. Yakkharakkhasagandhabbadevadānavakehi ca;
Siddhavijjādharādīhi bhūtehi ca nisevitaṃ.
27. Manosīlindanīlorucārupabbatapantihi;
Sajjuhemaḍinekehi bhūdharehi ca bhāsurāṃ.
28. Suvaṇṇamaṇisopānanekatitthasarehi ca;
Sobhitaṃ tattha kīḷantanekadevaṅganāhi ca.
29. Sītasīkarasañchannanijjharānaṃ satehi ca;
Kiṇṇaroragaraṅgehi rammehi virājitaṃ.
30. Sikhaṇḍisaṇḍanaccehi latānaṃ maṇḍapehi ca;
Setavālukasāñchannamālakehi ca maṇḍitaṃ.
31. Suvaṇṇamaṇimuttādi anekaratanākaraṃ;
Icchantānaṃ janālīnaṃ puññakiñjakkhamā'layaṃ.
32. Tama'jjhogayha so dhīro sahasakkhena māpīte;
Disvā isiparikkhāre paṇṇasālavare tahiṃ.
33. Isivesaṃ gahetvāna viharanto samāhito;
Sattāha'bbhantare pañca abhiñña'ṭṭhavidhā'pi ca.
34. Uppādetvā samāpattisukhene'ca tapodhano;
Nabhasā divase'kasmīṃ gacchanto janataṃ isi.
35. Sodhentaṃ'ñjasaṃ disvā otarivā nabhā tahiṃ;
Iti taṃ janataṃ pucchi kasmā sodhetha añjasaṃ.
36. Sumedha tvaṃ najānāsi dīpaṅkaratathāgato;
Sambodhimu'ttamaṃ patvā dhammacakkama'nuttaraṃ.

37. Pavattetvāna lokassa karonto dhammasaṅgamaṃ;
Rammaṃ rammaṃ puramaṃ patvā vasatī'ha sudassane.
38. Bhikkhusatasahasseehi catūhi vimalehi taṃ;
Nimantayimha dānena mayamaṃ lokekaṇḍāyaka.
39. Tassa āgamanatthāya maggaṃ sodhema cakkhuma;
Iti sotassa so tassa sukhaṃ dento jano'braviṃ.
40. Buddho'ti vacanaṃ sutvā pītiyo'daggamānaso;
Sakabhāvena saṅghātuṃ nevasakkhi guṇākaro.
41. Tenā'raddhañjasā dhīro yācitvāna padesakamaṃ;
Labhitvā visamaṃ ṭhānaṃ samaṃ kātuṃ samārabhi.
42. Nā'laṅkateyeva tahiṃ padese,
Lokekaṇḍātho sanarāmarehi;
Sampūjito lokahito mahesi,
Vasīhi saddhiṃ paṭipajji maggaṃ.
43. Chabbaṅṅaraṃsijālehi pajjalantaṃ tathāgataṃ;
Āgacchantaṃ tahi disvā modamāno vicintayī.
44. Yannūni'massa dhīrassa setuṃ katvāna kaddame;
Sakattānaṃ nipajjaye sasaṅghassa mahesino.
45. Dīgharattāma'laṃ taṃ me hitāya ca sukhāya ca;
Ice'vaṃ cintayitvāna nipanno'so jinaṅkuro.
46. Pabodhetvāna disvāna cārulocanapaṅkaje;
Puna'pe'vaṃ vicintesi nipanno dhitimā tahiṃ.
47. Icecheyamaṃ ce'hama'jje'va hantvā'nantaraṇe bhava;
Saṅghassa navako hutvā paviseyyamaṃ puramaṃ vamaṃ.
48. Kima'ññātakavesena klesanibbāpaṇena me;
Ayaṃ buddho'va'haṃ buddho hutvā loke anuttaro.
49. Janataṃ dhammanāvāya tāretvāna bhavaṅṅavāva;
Nibbāṅapuramā'netvā seyyamaṃ me parinibbutamaṃ.
50. Ice'vaṃ cintayitvāna nipanno kaddame tahiṃ;
Suvaṅṅakadalikkhandhasannibho so'ti sobhati.
51. Chabbaṅṅaraṃsīhi virājamānaṃ,
Disvā manuññaṃ sugatattabhāvaṃ;
Saṅghātapītihi udaggacitto,
Sambodhiyā chandama'kāsi dhīro.
52. Āgantvāna tahiṃ ṭhānaṃ isiṃ paṅke nipannakamaṃ;
Lokassa setubhūto'pi setubhūtaṃ tama'ttano.
53. Disvā ussīsaṃ tassa ṭhatvā lokekasetuno;
Lokelalocano dhīro dīpaṅkaratathāgato.

54. Gotamo nāma nāmena sambuddho'yaṃ anāgate;
Bhavissatīti vyākāsi sāvake ca purādiḷe.
55. Idaṃ vatvāna katvāna sasaṅgho taṃ padakkhiṇaṃ;
Pūjesi aṭṭhamuṭṭhihi kusumehi guṇappiyo.
56. Iti kātūna pāyāsi sasaṅgho lokanāyakova;
Rammakaṃ nāma nagaraṃ rammārāmālayālayaṃ
57. Jinassa vacanaṃ sutvā uṭṭhahitvāna paṅkato;
Mudito devasaṅghehi kusumādīhi pūjjito.
58. Pallaṅkamā'bhujitvāna nisīdi kusumāsane;
Mahātaṃ mahāpaṅṅo sumedho damitindriyo.
59. Devā dasasahassesu cakkavāḷesu moditā;
Abhitvaviṃsu taṃ dhīraṃ nisinnaṃ kusumāsane.
60. Nisinna upadhāresi dhamme buddhakare tadā;
Kimuddhaṃ vā adho vā'pi disāsu vidisāsu ca.
61. Ice'vaṃ vicinanto so sakalaṃ dhammadhātukaṃ;
Addakki sakasantaṇe paṭhamaṃ dānapāraṃ.
62. Evame'vaṃ gavesanto uttariṃ pāraṃ vidū;
Sabbā pāraṃ disvā attano ṅṅacakkhunā.
63. Saṃsāre saṃsaranto so bahuṃ dukkhaṃ titikkhiya;
Gavesanto'mataṃ santo pūretvā dānapāraṃ.
64. Sattanaṃ kapparukkho'va cintāmaṇi'va kāmado;
Icchicchitamannādiṃ dadanto dadataṃ varo.
65. Tārakāhi bahuṃ katvā nabhe cāruvilocane;
Uppāṭetvā dadaṃ dhīro yācakānaṃ pamodito.
66. Mahiyā paṃsuto cā'pi samuddodakato'dhikaṃ;
Dadaṃ sarīraṃsaṅca lohitampi ca attano.
67. Molinā'laṅkate sīse'dhikaṃ katvā sineruto;
Kampayitvā mahiṃ dento sute cā'pi sakaṅgatāva.
68. Sīlanekkammaṅṅādī pūretvā sabbapāraṃ;
Vessantarattabhāve'vampatvā tambhā cuto pana.
69. Uppajjitvā surāvāse sundare tusite pure;
Vasanto suciraṃ kālaṃ bhutvānā'tantasampadaṃ.
70. Kataṅjalīhi devehi yācito dipaduttamo;
Sambodhāya mahāvīra kālo tuyhantiādīna.
71. Viloketvāna kālādiṃ ṅṅatvā kālanti bodhiyā;
Paṭiṅṅaṃ devasaṅghassa datvā nandanakānaṃ.
72. Gantvāna devasaṅghehi sugatiṃ gacchi'to cuto;
Abhitthuto mahāpaṅṅo cavitvāna tato idha.

73. Susajjitaṅgoruturaṅgamākule,
Vicittanānāpaṇaṇyasampade;
Manoramuttuṅgajindarājite,
Vibhūsite toraṇaketurāsīhi.
74. Alaṅkataṭṭālavisālamālaye,
Sugopure sundarasundarālaye;
Sudassanīye kaṇṇiḷavhaye pure,
Purindadassā'pi purassa hāsake.
75. Bhūpālamoliratanālinisevitaṅghi,
Paṅkeruham vimalanekaguṇādhivāsam;
Okkākarājakulaketumanāthanātham,
Suddhodanam narapatim pavaram paṭicca.
76. So sajjhudāmadhavalāmaladassanīya,
Soṇḍāya saṅgahitasetavarāracindam;
Candāvadātavaravāraṇarājavanṇam,
Sandassayitva supinena visālapañño.
77. Bimbādhārāya vikacuppalalocanāya,
Devindacāparaticadḍhanabhūlatāya;
Sampunṇasommavimalindubarānanāya,
Sovaṇṇahamsayugacārupayodharāya.
78. Pādāravindakarapallavasundarāya,
Sovaṇṇavaṇṇatanuvaṇṇavirājītāya;
Sīlādineka guṇabhūsanabhūsitāya,
Māyāya rājavanitāyu'pagañchi kucchim.
79. Paṭisandhikkhaṇe tassa jātā'nekavidhabbhutā;
Athā'yaṃ gahitārakkho narehi amarehi ca.
80. Manuññarattambujakaṇṇikāya,
Mā'sīnasiṅgīpaṭimā'va rammā;
Suvaṇṇavaṇṇo dipadānamindo,
Pallaṅkamā'bhuñchiya mātugabbhe.
81. Maṇimhi vippasannamhi rattasuttami'vā'vutam;
Mātucittambujam dhīro bodhayanto padissati.
82. Dasamāsāvasānamhi devī rañño kathesi'dam;
Mayham nātigharam deva gantumi'cchāma'ham iti.
83. Rañño'tha samanūññatā gacchanti kulama'ttano;
Mahatā parihārena dibbañjasa samañjase.
84. Surabhikusumasaṇḍālākatassālasaṇḍam,
Samadahamaramālagīyamānagganādam;
Nayanavihagasaṅghe avhayantam'va disvā,
Vipularatinivāsam lumbinīkānanam tam.
85. Vipulatararatiṃ sā tamhi kātūna ramme,
Amarayuvatīlīlācārulīlābhīrāmā;
Vikasitavarasālasso'pagantvāna mūlam,
Sayama'tinamite kam sālāsākhāṃ agaṇhi.

86. Tasmim̄ khaṇe kammajamāluta'ssā,
Calim̄su sānīhi parikkhipitvā;
Devim̄ jano taṃ abhipālayanto,
Tamhā paṭikkamma susaṅṅhitā'tha.
87. Sagacāruhemavalayādivibhūsitena,
Accantatambanakharam̄sisamujjalena;
Tulātikomalasurattakarena sākhaṃ,
Olamba tattha majanesi t̄thitā'va dhīraṃ.
88. Sovaṇṇavaṇṇatanuvaṇṇavirājamānaṃ,
Nettābhirāmamatulaṃ atulāya gabbhā;
Sammā pasāritakaraṅghīyugābhirāmaṃ,
Paṅkeruhā kaṇakahaṃsami'vo'tarantaṃ.
89. Brahmā managgharativaḍḍhanahemajāla,
Mā'dāya tena upagamma paṭiggahetvā;
“Sammoda devi aya ma'ggataro suto te,
Jāto'ti tāya purato kathayim̄su t̄hatvā.
90. Jāyanti sesamanujā malamakkhitaṅgā,
Jāto pane'sa pavaro dipadānamindo;
Accanta saṅhamalakāsikavatthakamhi,
Nikkhittanagghataracārumaṇī'va suddho.
91. Eva'mpi sante sabhato'pagantvā,
Dve vāridhārā subhagassa dehe;
Janettidehe'pi utuṃ manuññaṃ,
Gāhāpayuṃ maṅgalakiccatāya.
92. Tesam̄ karaṃ ratikarā ajinappaveṇī,
Mā'dāya tena upagamma paṭiggahesuṃ;
Devā dukūlamayacumbaṭakena vīraṃ,
Tesam̄ karaṃ naravarā narasīharājaṃ.
93. Tesam̄ karā ratikaro vimalo'va cando,
Cakkāṅkitorucarāṇehi mahītalasmim̄;
Sammā patiṭṭhiya puratthimakam̄ disaṃ so,
Olokayittha kamalāyatalocanehi.
94. Ekaṅganā nekasatāni cakka,
Vāḷāna'hesuṃ sanarāmarā'tha;
Dhīraṃ sugandhappabhūtīhi tesu,
Sampūjayantā idama'braviṃsu.
95. Natthe'ttha tumhehi samo sudhīsa,
Eko pumā'pa'ggataro kuto'ti;
Evaṃ disā lokiya lokanātho,
Tapekkhamāno sadisa'mpi ekaṃ.
96. Uttarā'bhimukho sattapadaṃ gantvā kathesi'daṃ,
“Aggo'hamasmi lokassa jeṭṭho seṭṭho'tiādikaṃ.
97. Anañña'sādharāṇanādamu'ttamaṃ,
Surāsurabrahmanarindapūjitaṃ;
Narinda'mādāya gato mahājano,

Susajjitam tam kapiḷavhayam puram.

98. Bhārātibhāranagapādapamerurājam,
Sabba'mpi sāgarajalam vahitum samatthā;
Jātakkhāṇe,pi guṇabhārama'sayhamānā,
Saṅkampayī'va pathavī pavarassa tassa.
99. Ramimṣu soṇā hariṇehi saddhim,
Kākā ulūkehi mudaggudaggā;
Supaṇṇarājūhi mahoragā ca,
Majjārasaṅghā'pi ca undurehi.
100. Migā migindehi samāgamimṣu,
Puttehi mātāpitaro yathe'va;
Nāvā videsa'mpi gatā sadesam,
Gatā'ca kaṇḍam sarabhaṅgasatthu.
101. Nānāviraḅujjalapaṅkajehi,
Vibhūsito santataraṅgamālo;
Mahaṇṇavo āsi tahiṃ jala'mpi,
Accantasātattamu'pāgamāsi.
102. Suphullaolambakapaṅkajehi,
Samākulattam gaganam agaṅchi;
Jahiṃsu pakkhī gamanam nabhamhi,
Ṭhitā'ca sindhū'pi asandamānā.
103. Akālameghappiyasaṅgamena,
Mahīvadhū sommatamā ahosi;
Marūhi vassāpitanekapuppha,
Vibhūsitena'tivibhūsitāva.
104. Suphullamālābharaṇābhiraṃmā,
Lataṅganā'liṅgitapādapindā;
Sugandhakiṅjakkhavarambarehi,
Disaṅganāyo atisobhayimṣu.
105. Sugandhadhūpehi nabham asesam,
Pavāsitam rammataram ahosi;
Surāsuraṅdā chanavesadhārī,
Saṅgītiyuttā vicariṃsu sabbe.
106. Piyaṃvadā sabbajanā ahesum,
Disā asesā'pi ca vipasannā;
Gajā'tigajjimṣu nadiṃsu sīhā,
Hesāravo cā'si turaṅgamānam.
107. Savenuvīṇā suradundubhī nabhe,
Sakam sakam cārusaramocayum;
Sapabbatindapputhulokadhātuyā,
Uḷāraobhāsavayo manoramo.
108. Manuñṅagandho mudusītalānilo,
Sukhappadam vāyi asesajantuno;
Anekarogādupalīlitamḅino,

Tato pamuttā sukhino siyuṃ janā.

109. Vijambhamānāmitavāḷavījanippa,
-Bhābhirāmaṃ bhuvanaṃ ahosi;
Mahiṃhi bhetvā cu'dakāni sandayuṃ,
Gamiṃsu bujjā ujugattataṃ janā.
110. Andhā paṅgulanaccāni līlopetāni pekkhayuṃ;
Suṇiṃsu badhirā mūga gītiyo'pi manoramā.
111. Sitalattamu'pāgañchi avīcaggi'pi tāvade;
Modiṃsu jalajā tasmim̐ jantavo pahasiṃsu ca.
112. Khuppipāsābhi bhūtānaṃ petānaṃ āsi bhojanaṃ;
Lokantare'pi āloko andhakāranirantare.
113. Atirekatarā tārāvaḷicandadivākarā;
Virociṃsu nabhe bhūmigatāni ratanāni ca.
114. Mahītalādayo bhetvā nikkhamma uparūpari;
Vicittapañcavaṇṇā'suṃ suphullavipulambujā.
115. Dundubhādī ca'laṅkārā avādita aghaṭṭitā;
Accantamadhuraṃ nādaṃ pamuñcaṃsu mahītale.
116. Baddhā saṅkhalikādīhi muñciṃsu manujā tato;
Bhuvane bhavanadvāarakavāṭā vivaṭā sayāṃ.
117. "Pure kapiḷavatthumhi jāto suddhodanatrajo;
Nisajja bodhimaṇḍe'ti ayaṃ buddho bhavissati."
118. Celukkhepādayo cā'pī pavattentā pamoditā;
Kīḷiṃsu devasaṅghā te tāvatimsālaye tadā.
119. Iddhimanto mahāpañño kāladevalatāpaso;
Suddhodananarindassa dhīmato so kulūpago.
120. Bhojanassāvasānamhi tāvatimsālayaṃ gato;
Gantvā divāvihārāya nisino bhavane tahiṃ.
121. Chanavesaṃ gahetvāna kīḷante te udikkhiya;
Santosakāraṇaṃ pucchi tesaṃ te'pi na'mabravuṃ.
122. Sutvā taṃ tattato tamhā pītiyo'daggamānaso;
Tāvadevo'pagantvāna suddhodananivesanaṃ.
123. Pavisitvā supaññatte nissso āsane isi;
"Jāto kira mahārāja putto te nuttaro sudhi.
124. Daṭṭhu'micchāma'haṃ taṃ'ti āha rājā alaṅkataṃ;
Ānāpetvā kumāraṃ taṃ vandāpetu'mupāgamī.
125. Kumārabhūtassa'pi tāvadeva guṇānubhāvena manoramāni;
Pādāravindā parivattiya'ggā patiṭṭhitā muddhani tāpasassa.

126. Tenattabhāvena naruttamassa,
Na vanditabbo tibhavepi koci;
Tilokanāthassa sace hi sīsaṃ,
Tapassino pādātaḷe ṭhāpeyyaṃ.
127. Phāleyyamuddhā khalu tāpasassa paggayha so añjalimuttamassa;
Aṭṭhāsi dhīrassa guṇaṇṇavassa nāsetu'mattāna'mayuttakanti.
128. Disvāna taṃ acchāriyaṃ narindo devātidevassa sakatrajassa;
Pādāravindāna'bhivandi tuṭṭho vicittacakkāṅkitakomalāni.
129. Yadā'si rañño puthuvappamaṅgalaṃ tadā puraṃ devapuraṃ'va sajjitaṃ;
Vibhūsitā tā janatā manoramā samāgatā tassa nīketamuttamaṃ.
130. Vibhūsitāṅgo janatāhi tāhi so purakkhato bhūsanabhūsitatrayaṃ;
Tamā'dayitvā'tulavappamaṅgalaṃ surindalīlāya gato narissaro.
131. Nānāviraḡujjalacārusāni parikkhite kamhi ca jambumūle;
Sayāpayitvā bahimaṅgalaṃ taṃ udikkhituṃ dhātigaṇā gamiṃsu.
132. Suvaṇṇatārādiviraḡajamāna'vitānājotujjalajambumūle;
Nisajja dhīro sayane manuñṇe'jhānaṃ samāpajji katāvākāso.
133. Suvaṇṇabimbaṃ viya taṃ nisinnaṃ chāyaṅca tassā ṭhitame'va disvā;
Tamabravī dhātijano'pagantvā "puttassa te abbhutamī'disanti."
134. Visuddhacandānanabhāsurassa sutvāna taṃ paṅkajalocanassa;
Savandanaṃ me dutiya'nti vatvā puttassa pāde sirasā'bhivandi.
135. Tadaññāni pi lokasmiṃ jātā'nekavidhabbhutā;
Dassitā me samāsenā ganthavitthārābhīrunā.
136. Yasmiṃ vicittamaṇimaṇḍitamandirānaṃ,
Nānāvītānasayanāsanamaṇḍitānaṃ;
Nisseṇi seṇi puṭhubhūmikabhūsitānaṃ,
Tiṇṇaṃ utūnaṃ nurūpama'laṅkatānaṃ.
137. Siṅgesu raṃsinikarā suramandirānaṃ,
Siṅgesu raṃsimapahāsakarā'va niccaṃ;
Ādiccāraṃsi viya paṅkajakānanāni,
Lokānanambujavanāni vikāsayanti.
138. Nānā maṇiviccittāhi bhittīti vanitā sadā;
Vinā'pi dappaṇacchāyaṃ pasādhenti sakaṃ taṇuṃ.
139. Telāsanagasaṅkāsaṃ vilocanarasāyaṇaṃ;
Sudhālaṅkatapākāraḡalayaṃ yattha dissate.
140. Indanīloruḡalayaṃ nānā ratanabhūsitāṃ;
Dissate'va sadā yasmiṃ parikhānekapaṅkajā.
141. Patvāna vuddhiṃ vipule manuñṇe,
Bhutvāna kāme ca tahiṃ vasanto;
Gacchaṃ tilokekavilocano so,
Uyyānakīlāya mahāpathamhi.

142. Kamena jīṇṇaṃ byadhitaṃ matañca,
Disvāna rūpaṃ tibhave viratto;
Manoramaṃ pabbajitañca rūpaṃ,
Katvā ratiṃ tamhi catutthavāre.
143. Suphullanānātarusaṇḍamaṇḍitaṃ sikhaṇḍisaṇḍādidiḷḷupakūjitaṃ;
Sudassanīyaṃ viya nandanaṃ vanaṃ manoramuyyānāma'gā mahāyaso.
144. Suraṅganā sundarasundarīnaṃ manorame vāditanaccagīte surindalīlāya;
Tahiṃ narindo ramitva kāmaṃ dipadāna'mindo.
145. Ābhujitvāna pallaṅkaṃ nisinno rucirāsane;
Kārāpetuma'cintesi dehabhūsana'mattano.
146. Tassa cittaṃ viditvāna vissakammaṃ dambravī;
Alaṅkarohi siddhattha'miti devānamissaro.
147. Tenā'ṇatto'pagantvāna vissakamma yasassino;
Dasadussasahashehi sīsaṃ veṭhesi sobhanaṃ.
148. Tanuṃ manuññaṃpi akāsi sobhanaṃ,
Anaññaśādhāraṇalakkhaṇujjalaṃ;
Vicittanānuttamabhūsanehi so,
Sugandhigandhuppalacandanādinā.
149. Vibhūsito tena vibhūsitaṅginā,
Tahiṃ nisinno vimale silātale;
Suraṅganāsannibhasundarīhi so,
Purakkhato devapatīva sobhati.
150. Suddhodananarindena pesitaṃ sāsanuttamaṃ;
“Putto te putta jāto”ti sutvāna dīpaduttamo.
151. “Mama'jja bandhanaṃ jātaṃ”iti vatvāna tāvade;
Samiddhaṃ sabbakāmehi agamā sundaraṃ puraṃ.
152. Thitā uparipāsāde kisāgotami taṃ tadā;
Rājentaṃ sataraṃsi'mva rājaṃ disvā kathe si'daṃ.
153. “Yesaṃ sūnu ayaṃ dhīro yā ca jāyā imassa tu;
Te sabbe nibbutā nūna sadā'nūnaguṇassa ve”.
154. Iti'disaṃ giraṃ sutvā manuññaṃ tāya bhāsitaṃ;
Sañjātapītiyā pīno gacchamāno sakālayaṃ.
155. Sītaṃ vimalaṃ hāriṃ hāraṃ taṃ rativaḍḍhanaṃ;
Pesetvā santikaṃ tassā omuñcitvāna kaṇṭhato.
156. Pāsādama'bhirūhitvā vejayantaṃ'va sundaraṃva;
Nīpajji devarājā'va sayane so mahārahe.
157. Sundarī taṃ purakkhatvā surasundarisannibhā;
Payojayimsu naccāni gītāni vividhāni'pi.
158. Pabbajjābhirato dhīro pañcakāme nirālayo;
Tādise naccagīte'pi na ramitvā manorame.

159. Nipanno vissamitvāna īsakaṃ sayane tahiṃ;
Pallaṅkamā'bhujitvāna mahāvīro mahīpati.
160. Nisinho'va'nekappakāraṃ vikāraṃ,
Padisvāna niddupagānaṃ vadhūnaṃ;
Gamissāmi'dānī'ti ubbigacitto,
Bhave dvāramūlaṃ'pagantvāna rammaṃ.
161. Thapetvāna sīsaṃ subhummārakasmiṃ,
Suṇissāmi dhīrassa saddanti tasmīṃ;
Nipannaṃ sudantaṃ pasādāvahantaṃ,
Sahāyaṃ amaccaṃ mahāpuññavantaṃ.
162. Acchannasavanaṃ channaṃ āmantetvā kathesi'daṃ;
“Ānehi iti kappetvā kanthakaṃ nāma sindhavaṃ.”
163. So channo patigaṇhitvā taṃ girāṃ tena bhāsitaṃ;
Tato gantvāna kappetvā sīghamā'nesi sindhavaṃ.
164. Abhinikkhamaṃ tassa ñatvā varaturāṅgamo;
Tena sajjiyamāno so hesāravamu'dīrayi.
165. Pattharivāna gacchantaṃ saddaṃ taṃ sakalaṃ puraṃ;
Sabbe suragaṇā tasmīṃ sotuṃ nā'daṃsu kassaci.
166. Atha so sajjanānando uttamaṃ puttama'ttano;
Passitvā paṭhamaṃ gantvā pacchā buddho bhavāma'haṃ.
167. Cintayitvāna eva'mpi gantvā jāyānivesanaṃ;
Thapetvā pādada'mmāre gīvaṃ anto pavesiya.
168. Kusumehi samākiṇṇe devindasayanūpame;
Nipannaṃ mātuyā saddhiṃ sayane sakama'trajaṃ.
169. Viloketvāna cintesi iti lokekanāyako;
Sacā'haṃ deviyā bāhuma'panetvā mama'trajaṃ.
170. Gaṇhissāma'ntarāya'mpi kareyya gamanassa me;
Pabujjhivā mahantena pemene'sā yasodharā.
171. Buddho hutvā punā'gamma passissāmī'ti atrajaṃ;
Narādhipo tadā tamhā pāsādatalato'tari.
172. Pesalānanakaraṅghipaṅkajā hāsaphenabhamuvīcibhāsūrā;
Nettanīlakamalā yasodharākomudī'va nayanālipatthitā.
173. Samattho assa ko tassā jahituṃ dehasampadaṃ;
Vindamāno vinā dhīraṃ thitaṃ paramimuddhani.
174. “Asso sāmi mayānīto kālaṃ jāna rathesabha”;
Iti abravi channo so bhūpālassa yasassino.
175. Mahīpati tadā sutvā channeno'dīritaṃ girāṃ;
Pāsādā otarivāna gantvā kanthakasantikaṃ.

176. Tassi'daṃ vacanaṃ bhāsi sabbasattahite rato;
"Kanthaka'jje'karattiṃ mā tārehi'" sanarāmaraṃ.
177. Lokamu'ttārayissāmi buddho hutvā anuttaro;
Bhavasāgarato ghorajarādimakarākārā."
178. Idaṃ vatvā tamā'ruyha sindhavaṃ saṅkhasannibhaṃ;
Gāhāpetvāna channena sudalḥaṃ tassa vāladhiṃ.
179. Patvāna so mahādvārasamīpaṃ samacintayi;
Bhaveyya vivaṭaṃ dvāraṃ yena kenaci no sace.
180. Vāladhiṃ gahiteneva saddhiṃ channena kanthakaṃ,
Nippīlayitvā satthīhi imamaccuggataṃ subhaṃ;
Ullāṅghitvāna pākāraṃ gacchāmi'ti mahabbalo.
181. Tathā thāmabalūpeto channo'pi turaguttamo;
Visuṃ visuṃ vicintesuṃ pākāraṃ samatikkamaṃ.
182. Tassa cittaṃ viditvāna moditā gamane subhe;
Vivariṃsu tadā dvāraṃ dvāre'dhiggahitā surā.
183. Taṃ siddhatthama'siddhatthaṃ karissāmi'ti cintiya;
Āgantvā tassi'daṃ bhāsi antalikkhe tṭhitantiko.
184. "Mā nikkhami mahāvīra ito te sattame dine;
Dibbaṃ tu cakkaratanaṃ addhā pātubhavissati."
185. Icevaṃ vuccamāno so antakena mahāyaso;
"Ko'si tvami'ti'"taṃ bhāsi māro ca'ttānamā'disi.
186. "Mārajānāma'haṃ mayhaṃ dibbacakkassa sambhavaṃ;
Gaccha tvami'dha mā tiṭṭha na'mhi rajjenamatthiko.
187. Sabbaṃ dasasahassimpī lokadhātuma'haṃ pana;
Unnādetvā bhavissāmi buddho lokekanāyako."
188. Evaṃ vutte mahāsatte attano giramu'ttariṃ;
Gāhāpetuma'sakkonto tatthe'va'ntaradhāyi'so.
189. Pāpimassa idaṃ vatvā cakkavattisirimpi ca;
Pahāya khepiṇḍaṃ'va paccusasamaye vasiṃ.
190. Gacchantama'bhipūjetuṃ samāgantvāna tāvade;
Ratanukkāsahassāni dhārayantā marū tahiṃ.
191. Pacchato purato tassa ubhopassesu gacchare;
Tathe'va abhipūjentā supaṇṇā ca mahoragā.
192. Suvipulasurasenā cārulīlābhirāmā,
Kusumasaliladhārā vassayantā nabhamhā;
Ihahi dasasahassī cakkavāḷā gatā tā,
Sukhumatanutametodaggudaggā caranti.
193. Yasmīṃ sugandhavarapupphasudhūpa cuṇṇa,
Hemaddhajappabhutibhāsurasacārumagge;

Gacchaṃ mahājavavaraṅga turamga rājā,
Gantum na sakkhi javato kusumādilaggo.

194. Itthaṃ tamhi pathe ramme vattamāne mahāmahe;
Gacchanto rattisesena tiṃsayojanamañjase.
195. Patvā' nomānadītīraṃ piṭṭhito turagassa so;
Otaritvāna vimale sītale sikatātale.
196. Vissamitvā idaṃ vatvā ‘‘gacchāhī’ ti sakaṃ puram;
Ābharaṇāni ādiya channe’ maṃ guragampi ca.’’
197. Ṭhito tasmiṃ mahāvīro accanta nisitā’ sinā;
Sugandhavāsitaṃ moḷiṃ chetvā’ nukkipi ambare.
198. Cāruhemasumuggena kesadhātuṃ nabhuggataṃ;
Pūjanatthaṃ sahasakkho sirasā sampaṭicchiya.
199. Vilocanānandarindanīlamayehi cūḷāmaṇi cetiyaṃ so;
Patiṭṭhapesā’ malatāvatiṃse ubbedhato yojanamattamaggā.
200. Uttamaṭṭhaparikkhāraṃ dhāretvā brahmunābhataṃ;
Ambare’ ca pavijjhittha varaṃ dussayugampi ca.
201. Tamā’ dāya mahābrahmā brahmaloke manoramam;
Dvādasayojanubbedhaṃ dussathūpaṃ akārayi.
202. Nāmenā’ nupiyaṃ nāma gantvā ambavanam tahiṃ;
Sattāham vītināmetvā pabbajjāsukhato tato.
203. Gantvāne’ kadinene’ va tiṃsayojanamañjasam;
Patvā rājagahaṃ dhīro piṇḍāya cari subbato.
204. Indanīlasilāyā’ pi katā pākāragopurā;
Hemacalā’ va dissanti tassā’ bhāgi tahiṃ tadā.
205. Ko’ yaṃ sakko nukho brahmā māro nāgo’ tiādīnā;
Bhiyyo kotuhalappatto padisvā taṃ mahājano.
206. Pavisitvā garahetūna bhataṃ yāpanamattakam;
Yugamattam’ va pekkhanto gacchanto rājavīthiyaṃ.
207. Mathitaṃ merumanthena samudda’ va mahājanaṃ;
Tamhā so ākulī katvā gantvā paṇḍavapabbataṃ.
208. Tato tasse’ va chāyāya bhūmibhāge manorame;
Nisinno missakam bhataṃ paribhuñjitumā’ rabhi.
209. Paccavekkhaṇamattena antasappaṃ nivārisa;
Dehavammikato dhīro nikkhamantaṃ mahabbalo.
210. Bhutvāna bimbisārena narindena narāsabho;
Nimantino’ pi rajjena upagantvāna’ nekadhā.
211. Paṭikkhipiya taṃ rajjam atha tenā’ bhiyācīto;
Dhammaṃ desehi mayhanti buddho hutvā anuttaro.

212. Datvā paṭiññaṃ manujādhipassa dhīro'pagantvāna padhānabhūmiṃ;
Anaññasādhāraṇadukkarāni katvā tato kiñci apassamāno.
213. Oḷārikannapānāni bhuñjitvā dehasampadaṃ;
Patvā'japālanigrodhamūlaṃ patto suro viya.
214. Puratthā'bhimukho hutvā nisinno'si jutindharo;
Dehavaṇṇehi nigrodho hemavaṇṇo'si tassa so.
215. Samiddhapatthanā ekā sujātā nāma sundarī;
Hemapātiṃ sapāyāsaṃ sīsenā'dāya onatā.
216. Tasmim̐ adhiggahītassa rukkhadevassa tāvade;
Baliṃ dammī'ti gantvāna disvā tā dīpaduttamaṃ.
217. Dovo'ti saññāya udaggacittā pāyāsapātiṃ pavarassa datvā;
“Āsiṃsanā ijjhiyathā hi mayhaṃ tuyhampi sā sāmī samijjhītū'ti.”
218. Icece'vaṃ vacanaṃ vatvā gatā tamhā varaṅganā;
Atha pāyāsapātiṃ taṃ gahetvā munipuṅgavo.
219. Gantvā nerañjarātīraṃ bhūtvā taṃ varabhojanaṃ;
Paṭisotaṃ pavissajji tassā pātiṃ manoramaṃ.
220. Jantālipālīmananettavilumpamānaṃ,
Samphullasālavanarājivirājamānaṃ;
Devindanandanavanaṃ'va'bhinandanīya,
Mu'yyānamu'ttamataṃ pavaro'pagantvā.
221. Katvā divāvihāraṃ so sāyaṇhasamaye taṃ;
Gacchaṃ kesaralīlāya bodhipādapasantikaṃ.
222. Brahmasurāsura mahoragapakkhirāja,
Saṃsajjitoruvaṭume dipadānamindo;
Pāyāsi sotthiyadvijjo tiṇahārako taṃ,
Disvāna tassa adadā tiṇamuṭṭhiyo so.
223. Indivarāravindādikusumāna'mbarā taṃ;
Patantī vuṭṭhidhārā'va gacchante dīpaduttame.
224. Cārucandanacuṇṇādī'dhupagandhehi nekadhā;
Anokāso'si ākāso gacchante dīpaduttame.
225. Ratanujjalachattehi cāruhemaddhajehi ca;
Anokāso'si ākāso gacchante dipaduttame.
226. Velukkhepasahashehi kīḷantehi marūhi'pi;
Anokāso'si ākāso gacchante dipaduttame.
227. Suradundubhivajjāni karontehi marūhipi;
Anokāso'si ākāso gacchante dipaduttame.
228. Surāṅganāhi saṅgitiṃ gāyantihi'pi'nekadhā;
Anokāso'si ākāso gacchante dipaduttame.

229. Manoramā kiṇṇarakiṇṇaraṅganā,
Manoramaṅgā uragoragaṅkanā;
Manoramā tamhi ca naccagītiyo,
Manoramā'nekavidhā pavattayum.
230. Tadā mahoghe'va mahāmagehi,
Pavattamāne iti so mahāyaso;
Tiṇe gahetvā tibhavekanāyako,
Upāgato bodhidumindasantikaṃ.
231. Viddumāsitaselaggarajatācalasannibhaṃ;
Kativā padakkhiṇaṃ bodhipādapaṃ dipaduttamo.
232. Puratthimadisābhāge acale raṇadhamsake;
Mahītale ṭhito dhīro cālesi tiṇamuṭṭhiyo.
233. Viddasahatthamatto so pallaṅko āsi tāvade;
Atha naṃ abbhutaṃ disvā mahāpañño vicintayi.
234. "Mamsalohitamaṭṭhi ca nahārū ca taco ca me;
Kāmaṃ sussatu nevā'haṃ jahāmi vīriyaṃ" iti.
235. Ābhujitvā mahāvīro pallaṅkama'parājitaṃ;
Pācinābhimukho tasmim̐ nisīdi dīpaduttamo.
236. Devadevassa devindo saṅkhamā'dāya tāvade;
Vīsuttarasatubbedhaṃ dhamayanto tahiṃ ṭhito.
237. Dutiyaṃ puṇṇacandaṃ'va setacchattaṃ tiyojanaṃ;
Dhārayanto ṭhito sammā mahābrahmā sahampati.
238. Cārucāmaramā'dāya suyāmo'pi surādhipo;
Vījyantaṃ ṭhito tattha mandaṃ mandaṃ tigāvutaṃ.
239. Beluvaṃ vīṇamā'dāya suropañcasikhavhayo;
Nānāvidhalayopetaṃ vādayanto tathā ṭhito.
240. Thutigītāni gāyanta nāṭakīhi purakkhato;
Tathe'va'ṭṭhāsi so nāgarājā kālavhavo'pi ca.
241. Gahetvā hemamañjusā surapupphehi pūritā;
Pūjayantā'va aṭṭhamsu battimsā'pi kumārikā.
242. Sendadevasaṅghehi tehi itthaṃ mahāmahe;
Vattamāne tadā māro pāpimā iti cintayi.
243. "Atikkamitukāmo'yaṃ kumāro visayaṃ mama;
Siddhattho atha siddhatthaṃ karissāmī" ti tāvade.
244. Māpetva bhimsanatarorusahassabāhuṃ,
Saṅgayha tehi jalitā vividhāyudhāni;
Āruyha cāru diradaṃ girimekhalākkhyaṃ,
Caṇḍaṃ diyaḍḍhasatayojanamāyataṃ taṃ.
245. Nānānāyā'nalavaṇṇasiroruhāya,
Rattoruvaṭṭabahiniggatalocanāya;

Daṭṭhoṭṭhabhiṃsanamukhāyu'ragabbhujāya,
Senāya so parivuto vividhāyudhāya.

246. Tattho'pagamma atibhīmaramaṃ ravanto,
Siddhatthame'tha iti gaṇhatha bandhathe'maṃ;
Āṇāpayamaṃ suragaṇamaṃ sahadassanena,
Caṇḍānīluggatapicum'va palāpayittha.
247. Gambhīramegharavasantibhavaṇḍanādaṃ,
Vātaṃca māpiya tato subhagassa tassa;
Kaṇṇampi vīvaravarassa manoramassa,
No āsiyeva calitumaṃ pabhu antakotha.
248. Samvaṭṭavutuṭṭhijavasannibhabhīmaghora,
Vassaṃ pavassiya tato'dakabindukampi;
Nāsakkhi netuma'tulassa samīpakampi,
Disvā tama'bbhutama'tho'pi sudummukho so.
249. Accantabhīmanaḷaaccisamujjaloru,
Pāsānabhasmakalalāyudhavassadhārā;
Aṅgārapajjalitavālukavassadhārā,
Vassāpayittha sakalāni imāni tāni.
250. Mārānubhāvabalato nabhato'pagantvā,
Patvāna puññasikharuggatasantikaṃ tu;
Mālāguḷappabhūtibhāvagaṭāni'thāpi,
Lokantare'va timiraṃ timiraṃ sughoraṃ.
251. Māpetva mohatimirampi hatassa tassa,
Dehappabhāgi sataraṃsisatoditaṃ'va;
Jātaṃ manoramataṃ atidassanīya,
Mā'lokapuñjama'valokiya pāpadhammo.
252. Kopoparattavadano bhukuṭṭippavārā,
Accantabhīsanavirūpakavesadhārī;
Accantatiṇhataradhāramasaṅgame'va,
Cakkāyudhaṃ carataṃ api merurājaṃ.
253. Saṅkhaṇḍayantami'va thūlakalīrakaṇḍaṃ,
Vissajji tena'pi na kiñci guṇākarassa;
Kātuṃ pahuttamu'pagañchi tato tame'taṃ,
Gantvā nabhā kusumachattatamā'ga sīsaṃ.
254. Vissajjitā'pi senāya selakūṭānalākulā;
Pagantvā nabhasā mālāgulattaṃ samupāgatā.
255. Tampi disvā sasoko so gantvā dhīrassa santikaṃ;
Pāpuṇāti mamevā'yaṃ pallaṅko aparājito.
256. Ito uṭṭhaha pallaṅkā iti'bhāsitha dhīmato;
Katakalyāṇakammassa pallaṅkatthāya māra te.
257. Ko sakkhī'ti pavutto so ime sabbe'ti sakkhino;
Senāyā'bhimukhaṃ hatthaṃ pasāretvāna pāpimā.

258. Ghoranādena'haṃ sakkhi ahaṃ sakkhī'ti tāya'pi;
Sakkhibhāvaṃ vadāpetvā tasse'vaṃ samudīrayi.
259. Ko te siddhattha sakkhī'ti atha tenā'tulena'pi;
Mame'ttha sakkhino māra nasanti'ti sacetanā.
260. Rattameghopanikkhantahemavijjuvabhāsuram;
Nīharitvā surattambhā cīvarā dakkhiṇaṃ karaṃ.
261. Bhūmiyā'bhimukhaṃ katvā kasmā pāramibhūmiyaṃ;
Unnādetvā ni'dāne'vaṃ nissaddāsī'ti bhūmiyā.
262. Muñcāpīte rave nekasate megharave yathā;
Buddhanāgabalā nāgaṃ jānūhi supapatiṭṭhitam.
263. Disvāni'dāni gaṇhāti'dāni gaṇhāti cintiya;
Sambhinnadāṭhasappo'va hatadappo sudummukho.
264. Pahāyā'yudhavatthāni'laṅkāraṇi anekadhā;
Cakkavāḷāvalā yāva sasenāya palāyi so.
265. Taṃ mārasenaṃ sabhayaṃ sasokaṃ palāyamānaṃ iti devasaṅghā;
Disvāna mārassa parājayo'yaṃ jayo'ti siddhattha kumārakassa.
266. Sammodamānaṃ abhipūjayantā dhīraṃ sugandhappabhūtihi tasmim;
Punā'gatā nekathutīhi sammā ugghosamānā chanavesadhāri.
267. Evaṃ mārabalaṃ dhīro viddhaṃsetvā mahabbalo;
Ādicce dharamāne'va nisinno acalāsane.
268. Yāmasmim paṭhame pubbenivāsaṃ ñāṇa'muttamo;
Visodhetvāna yāmasmim majjhime dibbalocanaṃ.
269. So paṭiccasamuppāde atha pacchimayāmake;
Otāretvāna ñāṇaṃsaṃ sammasanno anekadhā.
270. Lokadhātusataṃ sammā unnādetvā'ruṇodaye;
Buddho hutvāna sambuddhosambuddhajalocano.
271. "Anekajātisaṃsāraṃ sandhāvissa'tiādinā;
Udāne'daṃ udānesi pītivegena sādiso.
272. Sallakkhetvāguṇe tassa pallaṅkassa anekadhā;
Nā tāva'uṭṭhahissāmi ito pallaṅkato iti.
273. Samāpattī samāpajjī anekasatakoṭīyo;
Sattā tatthe'va sattāhaṃ nisinno acalāsane.
274. Ajjā'pi nūna dhīrassa siddhatthassa yasassino;
Atthi kattabbakiccañhi tasmā āsanamālayaṃ.
275. Najahāsī'ti ekaccadevatānā'si saṃsayam;
Ñatvā tāsam vitakkaṃ taṃ sametuṃ santamānaso.
276. Uṭṭhāya hemahaṃso'va hemavaṇṇo pabhaṅkaro;
Abbhuggantvā nabhaṃ nātho akāsi pāṭihāriyaṃ.

277. Vitakkame'vaṃ iminā marūnaṃ sammu'pasammā'nimisesi bodhiṃ;
Sampūjayanto nayanambujehi sattāhama'tṭhāsi jayāsanañca.
278. Subhāsurasmiṃ ratanehi tasmiṃ savaṅkamanto varacaṅkamasmiṃ;
Manoramasmīṃ ratanālayehi'pi visuddhadhammaṃ vicinaṃ visuddho.
279. Mūlejapālatarurājavarassa tassa,
Māraṅganānāma'malānanapaṅkajāni;
Sammā milāpiya tato mucalīndamūle,
Bhogindacittakumudāni pabodhayanto.
280. Mūle'pi rājayatanassa tassa tasmiṃ samāpattisukhampi vindaṃ;
Saṃvītināmesi manuññaṃ ekūnapaññāsadināni dhīmā.
281. Anotattodakaṃ dantakaṭṭhanāgalatāmayaṃ;
Harīṭakāgadaṃ bhutvā devindenābhatuttamaṃ.
282. Vānijehi samānītaṃ samatthamadhupiṇḍikaṃ;
Mahārājūpanītamhi pattamhi patigaṇhiya.
283. Bhojanassāvasānamhi japālatarumūlakaṃ;
Gantvādhiगतadhammassa gambhīrattamanussari.
284. Mahīsandhārako vārikkhandhasannibhako ayaṃ;
Gambhīrodhigato dhammo mayā santo'tiadinā.
285. Dhammagambhīrataṃ dhammarājassa sarato sato;
Āsevaṃ takkaṇaṃ dhammaṃ imaṃ me paṭivijjhitaṃ.
286. Vāyamanto sampattayācakānaṃ manoramam;
Kantetvā uttamaṅgañca moḷibhūsanabhūsitam.
287. Suvañjitāni akkhini uppātetvāna lohitaṃ;
Gaḷato nīhiritvāna bhariyaṃ lāvaṇṇabhāsuram.
288. Atrajañca dadantena kulavaṃsappadīpakam;
Dānaṃ nāma na dinnañca natthi sīlam arakkhitaṃ.
289. Tathāhi saṅkhapālādiattabhāvesu jīvitam;
Mayā pariccajantena sīlabhedabhayena ca.
290. Khantivādādi ke nekaattabhāve apūritā;
Chejjādiṃ pāpunattena pāramī natthi kāci me.
291. Tassa me vidhamantassa mārasenaṃ vasundharā;
Na kampittha ayaṃ pubbenivāsaṃ sarato'pi ca.
292. Visodhentassa me yāme majjhime dibbalocanaṃ;
Na kampittha pakampittha pacchime pana yāmake.
293. Paccayākāraññaṃ me tāvade paṭivijjhato;
Sādhukāraṃ dadantī'ca muñcamānā mahāraṃ.
294. Sampuṇṇalāpū viya kañjikāhi,
Takkehi puṇṇaṃ viya vāṭikā'va;
Sammakkhito'va'ñjana kehi hattho,

Vasāhi sampīta pilotikā'va.

295. Kilesapuñjabbarito kiliṭṭho,
Rāgena ratto api desaduṭṭho;
Mohena mūlho'ti mahabbalena,
Loko avijjānikarākarō'yaṃ.
296. Kinnāma dhammaṃ paṭivijjhate'taṃ,
Attho hi ko tassi'ti desanāya;
Evaṃ nirussāhama'gañchi nātho,
Pajāya dhammāmatapānadāne.
297. Nicchāretvā mahānādaṃ tato brahmā sahampatī;
Nassati vata bho loko iti loko vinassati.
298. Brahmaṣaṅghaṃ samādāya devasaṅghaṅca tāvade;
Lokadhātusate satthu samīpaṃ samupāgato.
299. Gantvā mahītale jānuṃ nihacca sirasañjalim;
Paggayha "bhagavā dhammaṃ desetu" itiādinā.
300. Yācito tena sambuddharavindavadano jino;
Lokadhātusataṃ buddhacakkhunā'lokayaṃ tadā.
301. Tasmim apparajakkhādimmaccā disvā'ti ettakā;
Vibhajivā'tha te satte bhabbābhavavasena so.
302. Abhabbe parivajjetvā bhabbe'vā'dāya buddhiyā;
Upanetu jano'dāni saddhābhājanama'ttano.
303. Pūressāmī'ti taṃ tassa saddhammāmatadānato;
Vissajji brahmaṣaṅghassa vacanāmataraṃsiyo.
304. Tatojapālodayapabbatodito,
Mahappabho buddhadivākaro nabhe;
Maṇippabhāsannibhābhāsuraṃpabbho,
Pamocayaṃ bhāsurabuddharaṃsiyo.
305. Pamodayanto upakādayo tadā,
Kamena aṭṭhārasayojanañjasam;
Atikkamitvāna suphullapādape,
Vijambhamānāligaṇābhikūjitaṃ.
306. Nirantaraṃ nekadijupakūjitaṃ suphrallapaṅkeruha gandhavāsitaṃ gato;
Yasassī migadāyamuttamaṃ tahiṃ tapassī atha pañcavaggiyā.
307. Devātidevaṃ tibhavekanāthaṃ,
Lokantadassim sugataṃ sugattaṃ;
Disvāna dhīraṃ munisīharājaṃ,
Kumantaṇaṃ te iti mantayimsu.
308. "Bhutvāna oḷārikaannaṃpānaṃ,
Suvaṇṇavaṇṇo paripuṇṇakāyo;
Etā'vuso'yaṃ samaṇo imassa,
Karoma nā'mhe abhivādanādīm.

309. Ayaṃ visālanvayato sasūto,
Sambhāvanīyo bhuvi ketubhūto;
Paṭiggahetuṃ'rahatā'sanaṃ tu,
Tasmā'sanaṃ'yevi'ti paññapema.”
310. Ñatvā'tha bhagavā tesam vitakkaṃ tikkhabuddhiyā;
Mettānilakadambehi mānaketuṃ padhaṃsayī.
311. Samatthā nahi saṅghātuṃ sakāya katikāya te;
Akaṃsu lokanāthassa vandanādīni dhīmato.
312. Buddhabhāvaṃ ajānantā munayo munirājino;
Āvuso vādato tassa kevalaṃ samudīrayuṃ.
313. Atha lokavidū lokanātho tesamu“dīratha;
Āvusovādato neva satthuno” samudīrayi.
314. “Bhikkhave arahaṃ sammā sambuddho'ti tathāgato”;
Buddhabhāvaṃ pakāsetvā attano tesamu'ttamo.
315. Nisinno tehi paññatte dassaneyyuttamāsane;
Brahmanādena te there sīlabhūsanabhūsite.
316. Āmantetvāna brahmānaṃ nekakoṭṭipurakkhato;
Dhammacakkaṃ pavattento desanāraṃsinā tadā.
317. Mohandhakārarāsimpi hantvā loke manoramaṃ;
Dhammālokaṃ padassetvā veneyyambujabuddhiyā.
318. Migakānanasāṅkhāto raṇabhūmitale iti;
Rājā mahānubhāvo'vadhammarājā visārado.
319. Desanāsiṃ samādāya dhībhujena manoramaṃ;
Veneyyajanabandhunaṃ mahānatthakaraṃ sadā.
320. Kilesārī padāletvā saddhammajayadundubhiṃ;
Paharivāna saddhammajayaketuṃ sudujjayaṃ.
321. Ussāpetvāna saddhammajayatthuṇuttamaṃ subhaṃ;
Patiṭṭhāpiya lokekarājā hutvā sivaṅkaro.
322. Pamocetvāna janataṃ brahāsaṃsārabandhanā;
Nibbāṇanagaraṃ netukāmo lokahite rato.
323. Suvaṇṇācalakūṭaṃ'va jaṅgamaṃ cārudassanaṃ;
Patvo'ruvelagāmiṃ taṃ añjasaṃ'va surañjasaṃ.
324. Bhaddavaggiyabhūpālakumāre tiṃsamattake;
Maggattayāmataraṃ pāyenvā rasamu'ttamaṃ.
325. Pabbajjama'ttamaṃ datvā lokassa'tthāya bhikkhavo;
Uyyojetvāna sambuddho cārikaṃ carathā'ti te.
326. Gantvo'ruvelaṃ jaṭilānana'nto-
Jaṭā ca chetvāna jaṭā bahiddhā;
Pāpetva aggañjasamu'ttamo te,

Purakkhato indu'va tārakābhi.

327. Purakkhato tehi anāsavehi,
Chabbaṇṇaraṃsābharanuttamehi;
Disaṅganāyo atisobhayanto,
Pakkhīnamakkhīni'pi pīṇayanto.
328. Dinnaṃ paṭiññaṃ samanussaranto,
Taṃ bimbisārassa mahāyasassa;
Mocetukāmo vararājavaṃsaṃ,
Dhajūpamānassa guṇālayassa.
329. Sikhaṇḍimaṇḍalāraddhanaccaṃ laṭṭhivanavhayaṃ;
Uyyānāma'gamā nekatarusaṇḍābhimaṇḍitaṃ.
330. Bimbisāranarindo so'gatabhāvaṃ mahesino;
Suṇitvā pītipāmojjabhūsanena vibhūsito.
331. Tamu'yyānu'pagantvāna mahāmaccapurakkhato;
Satthupādāravindehi sobhayanto siroruhe.
332. Nisikko bimbisāraṃ taṃ saddhammaamatambunā;
Devindaḡiyamānaggavaṇṇo vaṇṇābhirāḡito.
333. Devadānavabhogindapūḡito so mahāyaso;
Rammaṃ rāḡagahaṃ gantvā devindapurasaṇṇibhaṃ.
334. Narindagehaṃ ānīto narindena sarāsabho;
Bhoḡanassā'vasānamhi cālayanto mahāmahiṃ.
335. Patigaṇhiya samphullatarurāḡavirāḡitaṃ;
Rammaṃ veluvaṇārāmaṃ vilocana rasāyanaṃ.
336. Sitapulinasamūhacchannabhālaṅkatasmiṃ,
Surabhikusumagandhākiṇṇamaṇḍānilasmiṃ;
Vividhakamalamālālaṅkatambāsayaḡmiṃ,
Vipulavimalataḡmiṃ valliyāmaṇḍapasmiṃ.
337. Suranaramahaniyo cārupādāravindo,
Vimalakamalanetto kundadantābhirāmo;
Guṇaratanasamuddo nāthanātho munindo,
Kaṇakakiraṇasobho somasommānāno so.
338. Vimalapavarasīlakkhandhavāraṅca katvā,
Ruciravarasamādhīkuntamu''ssāpayitvā;
Tikhīṇatarasubhaggaṃ buddhañāṇorukaṇḍaṃ,
Viharati bhamayanto kāmaṃ'ggā vihārā.
339. Tadā suddhodano rāḡā''putto sambodhimuttamaṃ;
Patvā pavattasaddhammacakko lokahitāya me.
340. Rāḡagahaṃ'ca nissāya ramme veluvane'dhunā;
Vasatī''ti suṇitvāna buddhabhūtaṃ sakatraḡaṃ.
341. Daṭṭhukāmo navakkhattuṃ navāmacce mahesino;

- Navayodhasahashehi saddhiṃ pesesi santikaṃ.
342. Gantvā te dhammarājassa sutvā' nopamadesanaṃ;
Uttamatthaṃ labhitvāna sāsanaṃpi napesayūṃ.
343. Tesve'kampī apassanto kāludāyīṃ subhāratīṃ;
Āmantetvā mahāmaccaṃ pabbajjābhirataṃ sadā.
344. "Sugattarataṃ netvā mama nettarasāyanaṃ;
Yena kenacu'pāyena karohī'"ti tama'bravī.
345. Atha yodhasahasena tampi pesesi so'pi ca;
Gantvā sapaṃsato satthu sutvā sundaradesanaṃ.
346. Arahattañjasaṃ patvā pabbajitvā narāsabhaṃ;
Namassanto sa sambuddhaṃ paggayha sirasañjalīṃ.
347. "Vasantakālañjanītātirattavaṇṇābhirāmaṅkurapallavāni;
Sunīlavaṇṇujjalapattayuttā sākāsahassāni manoramāni.
348. Visiṭṭhagandhākulaphāliphullanānāvīcittāni mahīruhāni;
Succittanānāmīgapakkhisāṅghasaṅgīyamānuttamakānanāni.
349. Sunīlasātodakapūritāni sunādīkādambakadambakāni;
Sugandhendīvarakallahārā ravindarattambujabhūsitāni.
350. Tīrantare jātadumesu pupphakīñjakkarājīhi virājītāni;
Muttātisetāmalasekatāni rammāni nekāni jalāsayāni.
351. Manuññaveḷuriyakañcukānivaguṇṭhitāni'ca susaddalehi;
Sunīlabhūtāni mahītalāni nabhāni mandānila saṅkulāni.
352. Anantabhogehi janehi phītaṃ,
Surājadhāniṃ kapiḷābhīdhāniṃ;
Gantuṃ bhadante samayo''tiādīṃ,
Saṃvaṇṇi vaṇṇaṃ gamanañjasassa.
353. Suvaṇṇanaṃ taṃ sugato suṇitvā,
"Vaṇṇesi vaṇṇaṃ gamanassu'dāyi;
Kinnū"ti bhāsīttha tato udāyi,
Kathesi'daṃ tassa sivaṅkarassa.
354. "Bhante pitā dassanami'cchate te,
Suddhodano rājavaro yasassī;
Tathāgato lokahitekanātho,
Karotu saññātakasaṅghanti."
355. Suṇitvā madhuraṃ tassa giraṃ lokahite rato;
"Sādhu'dāyi karissāmi ñātakānanti saṅghaṃ."
356. Jaṅgamo hemamerū'va rattakambalalaṅkato;
Vimalo puṇṇacando'va tārakāparivārito.
357. Saddhiṃ vīsasahashehi santacittehi tādihi;
Gacchanto sīrisampanno añjase saṭṭhiyojane.

358. Dine dine vasitvāna yojane yojane jino;
Dvīhi māsehi sampatto buddho jātapuraṃ varaṃ.
359. Buddhaṃ visuddhakamalānanasobhamānaṃ,
Bālaṃsumālīsatabhānusamānabhānuṃ;
Cakkaṅkitorucaraṇaṃ caraṇādhivāsaṃ,
Lokattayekasaraṇaṃ araṇaggakāyaṃ.
360. Sampuṇṇahemaghaṭatorāṇadhūmagandha,
Mālehi veṇupaṇavādihi dundubhīhi;
Cittehi chattadhajacāmaravījanīhi,
Suddhodanādivanipā abhipūjayiṃsū.
361. Susajjitaṃ puraṃ patvā munindo taṃ manoramaṃ;
Sugandhipupphakiṅjakkhālāṅkatorutalākulaṃ.
362. Suphullajalajākiṅṇa acchodakajalālayaṃ;
Mayūramaṇḍalāraddha raṅgehi ca virājitaṃ.
363. Cārucaṅkamaṇḍapāsāda latāmaṇḍapamaṇḍitaṃ;
Pāvekkhi pavaro rammaṃ nigrodhārāmamuttamaṃ.
364. “‘Amhākame’ sasiddhattho putto natto’ti’ādina;
Cintayitvāna saṅjātamānasatthaddhasākiyā.
365. Dahare dahare rāja kumāre idama’bravaṃ;
“‘Tumhe vandatha siddhatthaṃ navandāma mayanti taṃ.’”
366. Idamaṃ vatvā nisīdiṃsu katvā te purato tato;
Adantadamako danto tilokekavilocano.
367. Tesamaṃ ajjhāsayaṃ ñatvā “‘na maṃ vandanti ñātayo;
Handa vandāpayissāmi’dāni nesanti’” tāvade.
368. Abhiññā pādakajjhānaṃ samāpajjitvā jhānato;
Vuṭṭhāya hemamaṃso’va hemavaṇṇo pabhaṅkaro.
369. Abbhuggantvā nabhaṃ sabbasattanettarasāyanaṃ;
Gaṇḍambarukkhamaṃsīmaṃ pāṭihāriyasannibhaṃ.
370. Asādhāraṇama’ññesaṃ pāṭihāriyamu’ttamaṃ;
Ramaṇiyatare tasmaṃ akāsi munipuṅgavo.
371. Disvā tama’bbhutaṃ rājā suddhodanonarāsabho;
Saṅjātapītipāmojjo sakyavaṃsekaṇāyako.
372. Satthupādāravindehi sake cārusiroruhe;
Bhūsite’kāsi te sabbe sākiya’ akaruṃ tathā.
373. Dhīro pokkharavassassa avasāne manoramaṃ;
Dhammavassaṃ pavassetvā sattacittāvanuggataṃ.
374. Mahāmoharajaṃ hantvā sasaṅgho dutiye dine;
Pavekkhi sapadānena piṇḍāya puramu’ttamaṃ.

375. Tassa pādāravindāni' ravindāni anekadhā;
Uggantvā patigaṇhimsu akkantakkantaṭhānato.
376. Dehajotikadambehi gopuraṭṭālamandirā;
Piñjarattaṃ gatā tasmim̐ pākārappabhūti tadā.
377. Carantaṃ pavisitvāna piṇḍāya puravīthiyaṃ;
Lokālokakaraṃ vīraṃ santaṃ dantaṃ pabhaṅkaraṃ.
378. Pasādajanake ramme pāsāde sā yasodharā;
Sīhapañjarato disvā ṭhitā pemaparāyaṇā.
379. Bhūsane maṇiraṃsīhi bhāsurāṃ rāhulaṃ varam̐;
Āmantetvā padassetvā "tuyhame'so pitā"ti taṃ.
380. Niketamu'pasaṅkamma suddhodanayasassino;
Vanditvā tama'nekāhi itthīhi parivāritā.
381. "Deva devindalīlāya putto te'dha pure pure;
Caritvā carate'dāni piṇḍāyā'ti ghare ghare".
382. Pavedesi pavedetvā'gamā mandirama'ttano;
Ānandajalasandoha pūrito'rucilocanā.
383. Tato sesanarindānaṃ indo indova laṅkato;
Kampamāno pagantvāna vegena jinasantikaṃ.
384. "Sakyapuṅgava te ne'sa vaṃso mā cara mā cara;
Vaṃse putte'karājā'pi na piṇḍāya carī pure."
385. Iti vutte narindena munindo guṇasekharo;
"Tuyhame'so mahārāja vaṃso mayhaṃ pana'nvayo.
386. Buddhavaṃso'ti sambuddhavaṃsaṃ tassa pakāsayī;
Atha tasmim̐ ṭhitoyeva desento dhammamū'ttariṃ.
387. "Uttitṭhe nappamajjeyya dhammami'"ccādimū'ttamam̐;
Gāthaṃ manoramaṃ vatvā sotūnaṃ sivamā'vahaṃ.
388. Dassanaggarasaṃ datvā santappetvā tamu'ttamo;
Tenā'bhiyācito tassa nicketaṃ samupāgato.
389. Saddhiṃ visasahassehi tādīhi dipaduttamaṃ;
Madhurodanapānena santappetvā mahīpati.
390. Cuḷamaṇīmarīcīhi piñjarañjalikehi taṃ;
Rājuhi saha vanditvā nisīdi jinasantike.
391. Tā'pi nekasatā gantvā sundarā rājasundarī;
Narindena anuññātā nisidimsu tahiṃ tadā.
392. Desetvā madhuraṃ dhammaṃ tilokatilako jino;
Ahampa'jja na gaccheyyaṃ save bimbāya mandiraṃ.
393. Dayāya hadayaṃ tassā phāleyyā'ti dayālayo;
Sāvakaggayugaṃ gayha mandiraṃ pitarā gato.

394. Nisīdi pavisitvāna buddho buddhāsane tahiṃ;
Chabbaṇṇaramsijālehi bhāsurato'va bhānumā.
395. Manosilācuṇṇasamānadehamarīvijālehi virājamānā;
Pakampitā hemalatā'va bimbā bimbadharā satthu samīpa'māga.
396. Satthu pādesu samphassasītaluttamavārinā;
Nibbāpesi mahāsokapāvakaṃ hadayindhane.
397. Rājā satthu pavedesi bimbāyā'ti bahuṃ guṇaṃ;
Munindo'pi pakāsesi candakiṇṇarajātakaṃ.
398. Tadā nandakumārassa sampatte maṅgalattaye;
Vivāho abhiseko ca iti gehappavesanaṃ.
399. Maṅgalānaṃ pureyeva pabbājesi pabhaṅkaro;
Anicchantam'va netvā taṃ ārāmaṃ rammamuttamaṃ.
400. Attānama'nugacchantam dāyajjattam sakatrajam;
Kumāram rāhulaṃ cā'pi kumārābharaṇujjalaṃ.
401. "Sukhā'va chāyā te me'ti uggirantaṃ giraṃ piyaṃ;
"Dāyajjaṃ me dadāhi'ti dāyajjaṃ me dadāhi ca".
402. Ārāmameva netvāna pabbājesi niruttaram;
Saddhammaratanaṃ datvā dāyajjaṃ tassa dhīmato.
403. Nikkhamma tamhā sugataṃsumāli tahiṃ jantusaroruhāni;
Saddhammaraṃsīhi vikāsayanto upāgato rājagahaṃ punā'pi.
404. Kusumākula sundaratarupavane padumuppala bhāsurasaranikare;
Puthucaṅkamamaṇḍitasitasikate subhasītavane viharati sugato.
405. Tadā sudattavhayaseṭṭhiṣeṭṭho,
Bahūhi bhaṇḍaṃ sakatehi gayha;
Sāvattitho rājagahe manuññe,
Sahāyaseṭṭhissa gharū'pagantvā.
406. Tene'va vutto subhagena buddho,
Jāto'ti loke dipadānamindo;
Saṅjātapīṭhi udaggacitto,
Rattiṃ pabhātaṃ iti maññamāno.
407. Nikkhamma tamhā vigatandhakāre,
Devānubhāvena mahāpathamhi;
Gantvāna taṃ sītavanaṃ surammaṃ,
Sampunṇa candaṃ'va virājamānaṃ.
408. Taṃ dīparukkhaṃ viya pajjalantaṃ,
Vilocaṇānandakaraṃ mahesiṃ;
Disvāna tassa'ttamaṇḍarāgaṃ,
Paṭiggahetvā sirasā sudhīmā.
409. Gambhīraṃ nipuṇaṃ dhammaṃ suṇitvā vimalaṃ vamaṃ;
Sotāpattiṃphalaṃ mpatvā saḥassanaya maṇḍitaṃ.

410. Nimantetvāna sambuddhaṃ sasaṅghaṃ lokanāyakaṃ;
Vaṇṇagandharasūpetam datvā dānaṃ sukhāvahaṃ.
411. Satthu āgamanatthāya sāvattthinagaraṃ varaṃ;
Paṭiññaṃ so gahetvāna gacchanto antarāpathe.
412. Yojane yojane vāru cittakammasamujjale;
Vihāre pavare datvā kārāpetvā bahuṃ dhanaṃ.
413. Sāvattiṃ puna' rāgantvā pāsādasatamaṇḍitaṃ;
Toraṇaṅghikapākāragopurādivirājitaṃ.
414. Puraṃ apahasantaṃ'va devindassā'pi sabbadā;
Sabbasampattisampannaṃ naccagītādisobhitaṃ.
415. Kasmaṃ so vihareyyā'ti bhagavā lokanāyako;
Samantānuvilokento vihārārahabhūmikaṃ.
416. Jetarājakumārassa uyyānaṃ nandanopamaṃ;
Chāyūdakādisampannaṃ bhūmibhāgaṃ udikkhiya.
417. Hiraññaakoṭisanthāravasene'va mahāyaso;
Kiṇitvā pavare tamhi narāmaramanohare.
418. Niccaṃ kiṅkiṇijālanādaruciraṃ siṅgīva siṅgākulaṃ,
Rammaṃnekamaṇi channachadanaṃ āmuttamuttāvaliṃ;
Nānārāgavitāna bhāsurataraṃ pupphādīnā'laṅkata,
Citraṃ gandhakuṭiṃ varaṃ suvipulaṃ kāresi bhūsekhaṃ.
419. Jinatrajānampi visālamālayaṃ,
Vitānanānāsayanāsanujjalaṃ;
Sumaṇḍitaṃ maṇḍapavaṅkamādīnā,
Vilumpamānaṃ manalocaṇaṃ sadā.
420. Athāpi saṅhāmalasetavālukaṃ,
Savedikācāruvisālamālakam;
Jalāsayaṃ sāta'tisītalodakam,
Sugandhisogandhikapāṅkajākulaṃ.
421. Suphullasālāsanasoganāga,
Punnāgapūgādivirājamānaṃ;
Manoramaṃ jetavanābhidhānaṃ,
Kārāpayī seṭṭhi vihāraseṭṭhaṃ.
422. Visālakelāsadharādharuttamā-
Bhirāmapākāraphanindagopito;
Janassa sabbābhimanatthasādhako,
Vihāracintāmaṇi so virājite.
423. Tato āgamanatthāya munindaṃ nāthapiṇḍiko;
Dūtaṃ pāhesi so sathā sutvā dūtassa sāsanaṃ.
424. Mahatā bhikkhusaṅghena tadā tamhā purakkhato;
Nikkhamitvā'nupubbena patto sāvattimumtamaṃ.

425. Samujjalāni nekāni dhajānādāya sundarā;
Kumārā purato satthu nikkhamiṃsu surā yathā.
426. Nikkhamiṃsu tato tesam pacchato taruṅgaṅgā;
Cārupuṅṅhaḥāḍāya devakaññā yathā tathā.
427. Puṅṅapātiṃ gahetvāna seṭṭhino bhariyā tathā;
Saddhiṃ nekasatitthihi nekālaṅkāralaṅkatā.
428. Mahāseṭṭhi mahāseṭṭhisatehi saha nāyakam;
Abbhuggaṅchi mahāvīram pūjito tehi nekadhā.
429. Chabbaṅṅaramsihi manoramehi,
Puram varam piṅjaravaṅṅabhāvam;
Nento munindo sugato sugatto,
Upāvisi jetavanam vihāram.
430. Cātuddisassa saṅghassa sambuddhapamukhassa'ham;
Imam dammi vihāranti satthu cārukarambuje.
431. Sugandhavāsitaṃ vāriṃ hemabhiṅkāro varam;
Ākiritvā adā rammaṃ vihāram cārudassanam.
432. Surammaṃ vihāram paṭiggayaha seṭṭham,
Anagghe vicittāsanasmim nisinno;
Janindānamindo tilokekanetto,
Tilokappasādāvaham tam manuññam.
433. Udārānisamsam vihārappadāne,
Anāthappadānena nāthassa tassa;
Sudattābhidhānassa seṭṭhissa satthā,
Yasassī hitesī mahesī adesī.
434. Udārānisamsam vihārappadāne,
Kathetum samattho vinā bhūripaññam;
Tilokekanātham naro kosi yutto,
Mukhānam sahassehi nekehi cā'pi.
435. Iti vipulayaso so tassa dhammam kathetvā,
Api sakalajanānam mānase tosayanto;
Paramamadhuranādam dhammabherim mahantam,
Viharati paharanto tattha tatthūpagantvā.
436. Evaṃ tilokahitadena mahādayena,
Lokuttamena paribhuttapadesapantiṃ;
Niccaṃsurāsoramahoragarakkhasādi,
Sampūjitaṃ ahami' dāni nidassasissam.
437. Saddhammaramsinikarehi jinaṃsumāli,
Veneyyapaṅkajavanāni vikāsayanto;
Vāsam akāsi pavaro paṭhamamhi vasse,
Bārāṅsimhi nagare migakānanamhi.
438. Nānāppakāraratanāpaṅapantivīthi,
Ramme pure pavaraṅjagahābhidhāne;
Vāsam akāsi dutiye tatiye catutthe,

Vassepi kantataraveluvaneva nātho.

439. Bhūpālamolimaṇiramṣivirājamānaṃ,
Vesālināmaṇiditaṃ nagaraṃ surammaṃ;
Nissāya sakyamunikesari pañcamamhī,
Vassamhi vāsamakariththa mahāvanasmiṃ.
440. Phullātinīlavimaluppacārunetto,
Siṃgīsamānatanujotihi jotamāno;
Buddho anantaṅṅasannidhi chaṭṭhavasṣe,
Vāsaṃ akā vipulamaṅkula pabbatasmīṃ.
441. Gambhīraduddasataraṃ madhuraṃ marūnaṃ,
Desetva dhammamatuso sirisannivāso;
Devindasītalavisālasilāsanasmīṃ,
Vassamhi vāsama'karī muni sattamamhi.
442. Phullāravindacaraṇo caraṇādhivāso,
So suṃsumāragirināmadharādharamhi;
Vāsaṃ akā paramamāraji aṭṭhamasmīṃ,
Vassamhi kantarabhesakalāvanamhi.
443. Nānāmatātibahutitthiyasappadappaṃ,
Hantvā tilokatilako navamamhi vasse;
Vāsaṃ akāsi rucire atidassanīye,
Kosambisimbaliwane jinapakkhirājā.
444. Tesam mahantakalahaṃ samituṃ yatīnaṃ,
Nissāya vāraṇavaraṃ dasamamhi vasse;
Pupphābhikiṇṇavipulāmalakānanasmīṃ,
Vāsaṃ akā munivaro varapāraleyyo.
445. Dhammāmatena janataṃ ajarāmarattaṃ,
Nento vilocanamanoharasuddhadanto;
Nālābhidhānadījagāmvare munindo,
Vāsaṃ akā amitabuddhi dasekavasse.
446. Verañja cārudījagāmasamīpabhūte,
Ārāmake surabhipupphaphalābhirāme;
Sabbaññu sakyamuni bārasamamhi vasse,
Vāsaṃ akāsi pucimandadumindamūle.
447. Phullāravindavadano racicārusobho,
Lokassa atthacariyāya dayādhivāso;
Vāsaṃ akā ruciracāliyapabbatasmīṃ,
Vīro tilokagaru terasamamhi vasse.
448. Bandhūkapupphasamapādakarābhirāmo,
Dhammissaro pavarajetavane suramme;
Dhīro mahiddhi muni cuddasamamhi vasse,
Vāsaṃ akā sakalasattahitesu yutto.
449. Veneyyabandhuvanarāgagaje vihantvā,
Vassamhi pañcadasame munisīharājā;
Vāsaṃ akā kapilavattudharādharoru,

Nigrodharāmaramaṇīyamaṇigguhāyaṃ.

450. Yakkhampi kakkhalataraṃ suvinītabhāvaṃ,
Netvā pure varatamālavakābhidhāne;
Vasmamhi vāsamakarī dasachaṭṭhamamhi,
Nento janaṃ bahutarampi ca santimaggam.
451. Pākāragopuraniketanaṭoraṇādi,
Nettābhirāmavararājagahe mahesi;
Vāsaṃ akānadhivaro dasasattamamhi,
Vassamhi patthayaso bhuvanattayasmim.
452. Dhammosadhena madhurena sukhāvahena,
Lokassa ghoratararāgarajaṃ vihantvā;
Vassamhi vāsamakarī dasaṭṭhamasmim,
Aṅgīraso pavaracāliyapabbatasmim.
453. Venayyabandhujanamoharipuṃ uḷāraṃ,
Hantvāna dhammaasinā varadhammarājā;
Ekūnavīsatimake puna tatta vasse,
Vāsaṃ akā madhurabhārati lokanātho.
454. Suddhāsayo pavararājagahe vicitte,
Vāsaṃ akāsi samavīsatimamhi vasse;
Lokassa atthacaraṇe subhakapparukkho,
Cintāmaṇippavarabhaddaghaṭo munindo.
455. Evaṃ tilokamahito anibaddhavāsaṃ,
Katvā carampaṭhamabodhiyudārappañño;
Chabbaṇṇaramsisamupetavicittadeho,
Lokekabandhu bhagavā avasesakāle.
456. Sāvattiyaṃ pavarajetavane ca ramme,
Dibbālaye ca samalaṅkatapubbarāme;
Vāsaṃ akāsi muni vīsatipañcavasse,
Lokābhivuddhinirato sukhasannivāso.
457. Iti amitadayo yo pañcatālīsavasse,
Manujamanavanasmim jātarāgaggirāsīm;
Paramamadhuradhammambuhi nibbāpayanto,
Avasi samunimegho lokasantim karotu!
458. Paññāvaraṅganā mayhaṃ sañjātā manamandire;
Tosayantī sabbajanaṃ vuddhim gacchatu sabbadā.
459. Citaṃ yaṃ racayantena jinassa caritaṃ mayā;
Puññaṃ tassānubhāvena sampatto tusitālayaṃ.
460. Metteyyalokanāthassa suṇanto dhammadesanaṃ;
Tena saddhim ciraṃ kālaṃ vindanto mahatim sirim.
461. Buddhē jāte mahāsattoramme ketumanīpure;
Rājavaṃse janītvāna tihetupaṭisandhiko.
462. Civaraṃ piṇḍapātañca anagghaṃ vipulaṃ varam;

Senāsanañca bhesajjaṃ datvā tassa mahesino.

463. Sāsane pabbajitvāna jotento tamanuttaraṃ;
Iddhimā satimā sammā dhārento piṭakattayaṃ.
464. Vyākato tena buddho yaṃ hessatīti anāgate;
Uppannuppannabuddhānaṃ dānaṃ datvā sukhāvahaṃ.
465. Saṃsāre saṃsaranto hi kapparukkho ca pāṇinaṃ;
Icchiticchitamannādiṃ dadanto madhuraṃ caraṃ.
466. Maṃsalohitanettādiṃ dadaṃ cittasamāhito;
Sīlanekkhammaṃñādiṃ pūrento sabbapāraṃsiṃ.
467. Pāramisikharaṃ patvā buddho hutvā anuttaro;
Desetvā madhuraṃ dhammaṃ jantūnaṃ sivaṃvahaṃ.
468. Sabbhaṃ sadevakaṃ lokaṃ brahāsaṃsārabandhanā;
Mocayitvā varaṃ khemaṃ pāpuṇyemaṃ sivaṃ puraṃ.
469. Laṅkālaṅkāra bhūtena bhūpālanvayaketunā;
Vijayabāhunā raññā sakanāmena kārite.
470. Satoyāsayaṃpākāra gopurādivirājite;
Pariveṇavare ramme vasatā santavuttinā.
471. Medhankarābhidhānena dayāvāsena dhīmatā;
Therena racitaṃ etaṃ sabbha saṃseviṃ sadā.
472. Bhave bhave'dha gāthānaṃ tesattati catussataṃ;
Ganthato pañcapaññāsā-dhikaṃ pañcasataṃ iti.